

黔江縣志卷一

天文志

在天垂象以見吉凶馮相保章測候域封葺爾邊區星分
鶉尾恰當翼軫跨越井鬼志天文

星野

通志遵

大清一統志載酉陽直隸州翼軫分野鶉尾之次前志謂黔隸
酉自係該黔而言今從之

按前志續志皆主翼軫惟立說多歧於星野原委未能

黔江縣志

卷一

天文 星野

一

詳攷今附志補星野說並具列翼軫逐月昏旦所見之
方如左

星野之說議論紛如前志遵

大清一統志酉陽直隸州翼軫分野鶉尾之次黔隸酉自係該
黔而言義本直截了當而以舊志入井鬼分未合入參井
分尤非續志又謂黔江在昔三面環接土司以孤插之縣
遠隸千里之府不宜以巴分屬之則未知古今州縣疆域
沿革隸屬之詳也按地蜀星楚之說湖北施南府志猶多
疑義以其地宋元時曾隸夔府路故入井鬼分入翼軫分

不一其說西陽在漢或屬武陵郡或屬巴郡爲涪陵遷陵
二縣地故其分野亦易以翼軫爲斷黔雖東北與施鄰東
南與酉鄰然自漢以來歷屬於蜀爲涪陵郡巴郡巴東郡
黔中郡黔安郡黔州都督府紹慶府從未隸於湖廣則星
野宜從蜀紀原志入井鬼分不爲無因也史記天官書觜
觜參益州前漢書天文志與史記同地理志秦地於天官
東井與鬼之分野也南有巴蜀廣漢犍爲武都後漢書天
文志軫爲秦蜀華陽國志其分野與鬼東井又云仰稟參
伐晉書天文志巴郡入參八度新唐書天文志東井與鬼
鶉首也初東井十二度中井二十七度終柳六度西南盡
巴蜀漢中之地云云地理志漢蜀郡廣漢犍爲越巂益州
牂牁巴郡之地利集壁巴蓬通開中萬涪閬果渠爲鶉首
分宋史益梓利夔四路分井鬼又曰東井與鬼鶉首也盡
巴蜀漢中之地明史天文志四川布政司所屬惟蘇州觜
分合州參井餘皆井鬼分夫以全蜀地論古爲觜觶參歷
說不一若以巴郡忠涪論則歷指爲井鬼鶉首之次有自
來矣黔雖邊徼與忠斜距三百餘里距涪亦止八九百里
天度茫茫詎能確爲分別則接鶉首之終入鶉尾想亦當

然攷歷代赤道黃道宿度諸書并三十三度鬼三度翼十
八度軫十七度雖間有盈縮而出此入彼天有歲差之殊
地有里差之別古今宮度遂分異同今一統志因地以測
諸差因諸差以測宮度而酉屬釐為翼軫鶉尾之次則以
皇圖遠播不論其古為秦分蜀分為荆楚分今為川屬湖屬第
求星與地合而察災祥望氛禳俾星學為有益天星朗朗
識者果能隨時體察於鶉首鶉尾間占其祥異辨其吉凶
則星野之分并鬼分翼軫自確有定見矣故吾博攷羣書
使閱志者知主并鬼之有自來而折衷一是仍以我

黔江縣志

卷首

天文 星野

三

朝為斷云 彭水縣志謂軫宿當鶉尾之終自軫十度後即入壽星之次為河南河陽湖北武昌等地距西甚遠亦不必載獨謂彭分當在翼初一度之間又以咸豐辛酉長星見彭之西南坤方當翼宿之分與大微垣相值彭被害最甚因以指實 按里差之法每二百五十里輒差一度彭與涪接壤彭入翼一度其界之毘連者又何處辨為并鬼黔酉與彭接壤則應亦獨主翼分矣恐測量未必如此精當

正月立春 戊正見卯方 雨水 戊正見乙方

二月驚蟄 戊正見辰方 春分 戊正見巽方

三月清明 戊正見巳方 穀雨 戊正見丙方

四月立夏 戊正見午方 小滿 戊正見丁方

五月芒種 戊正見未方 夏至 戊正見坤方

六月小暑

戌正見申方

大暑

戌正見庚方

七月立秋

戌初見庚方

處暑

酉正見庚方

八月白露

與日近不見

秋分

為日纏不見

九月寒露

寅正見卯方

霜降

寅正見乙方

十月立冬

寅正見辰方

小雪

寅正見巽方

十一月大雪

寅正見巳方

冬至

寅正見丙方

十二月小寒

寅正見午方

大寒

寅正見丁方

右照節按時用羅鍼各視其方即得翼軫宿所在

地輿志

坤維四極其大無外廣土眾民殊圖異繪粵稽斯邑僻在邊隅近黔鄰楚漢唐名區志地輿

沿革

禹貢為梁州之域夏商周皆為巴國地華陽國志人皇始出繼地皇之後兄弟九人分理九州人皇居中州制八輔華陽之壤梁岷之

域五帝以來世為侯伯及禹治水命州為巴蜀以屬梁州武王伐紂巴師歌舞以凌殷人既克殷以其宗姬封於巴其地南極黔涪是三代時縣境當為巴國地也

秦為巴郡地華陽國志周慎王五年秦遣張儀司馬錯伐儀城江州司馬錯自巴涪取楚商於地為黔中郡是秦時縣為巴之南鄙地也

漢為涪陵縣又為丹興縣屬巴郡又屬涪陵郡後漢郡國志曰巴郡涪陵出丹華陽國志建安六年劉璋分巴郡為三巴於是涪陵謝本白璋求以丹興漢髮二縣為郡初以為巴東屬國後遂為涪陵郡丹興屬焉

三國漢丹興縣省華陽國志丹興縣蜀時省陵郡增漢復縣延熙十三年又增漢平

黔江縣志

卷一

地輿沿革

晉為丹興縣屬涪陵郡通志晉涪陵郡太康中移理漢復廢丹興漢葭二縣永嘉中故涪陵

地沒於蠻東晉元帝時梁州人張咸逐楊難敵以涪陵歸李雄華陽國志范長生涪陵丹興人也是李成時猶有丹

興名

隋為石城縣屬巴東郡永嘉後涪陵地沒於蠻歷宋齊梁魏周皆無攷通志後周保定四年

縣縣境未

知何隸

名興

地沒於蠻東晉元帝時梁州人張咸逐楊難敵以涪陵歸李雄華陽國志范長生涪陵丹興人也是李成時猶有丹

興名

涪陵蠻帥田思鶴歸化以其地為奉州尋改黔州隋書地理志注清江郡後周置亭州黔江西近後周黔州東北屈後周亭州似於其間特建庸州故向有置庸州之說是在北周保定時也未幾入隋廢為石城縣以屬巴東郡隋志巴東郡統縣十四北極巫山秭歸南石城務川則石城之為縣廣矣

唐武德元年改屬黔州天寶元年始名黔江屬黔中郡彭

縣志按通志武德中曰黔州貞觀四年置都督府開元二十六年置黔採訪使屬江南西道天寶初曰黔中郡領彭水黔江洪杜洋水信寧都濡六縣兼都督羈縻五十州

五代為黔江縣屬黔州通志天復七年王建據蜀後唐長

宋為黔江縣屬黔州黔中郡南宋紹定元年屬紹慶府彭

縣志按通志嘉祐八年以洋水信寧都濡洪杜四縣併入彭水紹定初升為紹慶府領彭水黔江二縣兼羈縻州四

黔江縣志

卷一

地輿沿革

六

十九復領羈縻州五十六

元為黔江縣屬紹慶府彭水縣志按通志領彭水黔江二縣屬四川行中書省

明為黔江縣屬重慶府通志洪武初改屬重慶府縣志洪

守禦千戶所十四年復縣仍隸重慶府

國朝為黔江縣屬重慶府雍正十二年改屬黔彭廳為廳治乾

隆元年廳廢屬酉州按彭志雍正十二年為黔彭廳治州志司廢後於彭水縣治設黔彭軍民

廳縣與酉秀黔等處並隸之縣志雍正十二年改屬黔彭廳今攷皆誤廳之設設於黔江非設於彭水也黔江舊設學官二彭水則一以其為廳治也今營制猶曰黔彭不曰彭黔以彭為黔轄也廳制亦然通志載黔江縣雍正十二

年改屬黔彭廳為廳治義甚的

附前志黔江縣在禹貢梁州之域漢巴郡涪陵縣地建安

六年劉璋分置丹興縣以山出丹砂故名隸蜀國都尉蜀漢屬涪

陵郡晉因之後廢隋開皇五年置石城縣兼置庸州大業

二年州廢屬巴東郡唐武德元年改屬黔州天寶元年始

曰黔江縣按縣近黔江名或以此屬黔中郡宋初亦屬黔州紹定初

則屬紹慶府元因之明洪武五年省入彭水十一年置黔

江守禦千戶所十四年復置黔江縣屬重慶府

國朝雍正十二年改屬黔彭廳乾隆元年廳廢屬酉陽州

志補建置沿革前志載之明矣然粗舉大略少所辨正攷

黔江縣志

卷一

地輿 沿革

七

後漢郡國志巴郡涪陵出丹謂涪陵縣出丹砂也巴漢志曰涪陵巴

郡之南鄙從枳入析丹涪陵水齊名南攷證按析丹水皆

縣名華陽國志亦云從枳南入析丹涪水本與楚商於之

地接又曰丹興縣蜀時省山出名丹夫既以丹名縣則境

內之有丹也明甚今縣治並無產丹之區亦不聞父老指

點疑在何處說者謂地固有時愛寶其材已竭不知丹可

名縣其材自應不竭也今查酉之龍潭秀之溪口等處出

丹砂淵源不竭爾時疑歸縣治蓋漢時環酉秀黔彭之地

皆曰涪陵縣屬於巴郡靈帝時分涪陵置永甯縣劉璋又

分涪陵置丹興升涪陵爲郡厥後又置漢平漢髮萬甯等縣且曰入析丹涪水與楚商於之地接楚商於地今湖南辰沅等處是也地與接則不爲涪水必爲丹興矣且爾時南部初闢地尙荒渺一縣所管不止二三百里漢髮建在郁山緊與縣之柵里毘連必爲所轄丹興不於東南數百里內取界迫小將何以爲治或曰秀之溪口疑歸西治西在漢爲涪陵遷陵二縣地然而涪陵初分卽置丹興是丹興在前也厥後其地或割而入於遷陵亦未可知要之有丹始名無丹不名故決其爲縣地也方輿紀要云劉璋分

置丹興縣屬國都尉縣志云隸蜀國都尉則未知命官體制屬國都尉猶云屬於國之都尉耳蘇武爲典屬國乃各都尉之長此都尉卽丹興之長亦猶明之千戶以武職而理民事非以斯地隸蜀國都尉而別有所謂官也隋開皇五年置石城縣兼置庸州夫必有廢而後有置旣置縣矣又何兼置州今攷隋書地理志巴東郡統縣十四一曰石城注曰開皇初置庸州大業初州廢清江郡統縣五注曰後周置亭州大業初改爲庸州今縣志據通志直書曰置庸州不知庸州之說祇出於隋書之注夫州廢而紀曰石城可也改庸州而仍紀曰清江郡

不可也隋注不免自相矛盾惟明一統志開皇中置石城縣屬庸州大業初州廢以縣屬巴東郡義較了當然開皇中有庸州矣大業初又何以改爲庸州與注不合今尋其義注云開皇初置庸州者蓋約略之詞後周時實與施之亭州彭之黔州並建逮隋興廢州改石城縣以屬巴東郡如此則當日之規建了然矣唐宋元明紀載都是惟

國朝雍正間改置尙未合至按說尤蛇足紕繆應卽刪去予故因舊文按代條列之以清眉目復詳加注解並遵通志式

列表如左

按秀志謂蜀省丹興西境地丹興蜀省地入吳立爲黔江爲丹興西北境地丹興蜀省地入吳立爲

黔江縣志

卷一

地輿沿革

九

黔陽郡原註親晉降郡爲縣李雄復爲丹興東晉仍改黔陽宋後同隋分黔陽爲石城縣二說互異

兩漢 曹 宋齊梁 魏周隋 唐魏宋 元明

黔 巴郡涪陵縣地 丹興縣 丹興縣

江 安六年郡 劉璋置 屬國都尉

縣 尉

庸州 石城縣 黔江縣 黔江縣 黔江縣 黔江縣

後周保定四年 廢庸州 移治天府 置庸州 置縣屬寶更名 巴東郡屬黔州 府 改屬重慶府

黔江縣志

卷一

地輿沿革表

十

疆域

黔江縣在四川省治東南二千一百里在酉陽州西北二百八十里東西距一百六十里南北距二百五十里東四
十里抵湖北咸豐縣之沙刀灣南九十里抵州之太極場
西一百二十里抵彭水縣之亭子關北一百七十里抵湖
北利川縣之牛滾坡東北三十里抵咸豐之馬家壩東南
九十里抵州之濯河壩西北一百八十里抵彭水之沙子
溪西南九十里抵州之石鐘溪前志方里經唐崖土司佔去洞口峽口中塘後壩各鄉地五十九處並未歸復今隸咸豐忠路土司佔去酸棗地十三處亦未歸復今隸利川其所存洛里鄉九正陽洞

黔江縣志

卷一

地輿 疆域

七

口青岡金溪白土鎮夷五里中塘後壩柵里鄉九三屯柵
山石會西池白鶴黑溪酸棗黎水泡水續增三鄉三柵大
木楓茅壩子界連利川咸豐鄭都石砭等地而大木楓茅
壩子則經川湖兩督會勘斷歸者也其二里以城內縣署
西何公橋為界續志云黔江自漢及今為縣元境甚寬唐
宋後三面環接土司疆輿侵削兼宋元以來縣志舊無單
行刻本故於山川
異名者難以悉辨

志補縣本無江其以黔江名者緣黔中所出之烏江以為
名一統志江自思南府北流入經西陽州西又北流經彭
水縣西又西北入涪州界即烏江下流也一名延江亦曰
涪陵江詳見元和志寰宇記輿地紀勝洪稚存貴州水道
攷陳秋坪蜀水攷明一統志通志黔江源出貴州威甯州

東北山由貴州畢節黔西諸州縣至婺川縣東北折西北

流始入四川酉陽州西南界有三岔河東北來注之又北

稍西有南溪河即阿蓬水下游東北合諸水至龔灘來會自龔灘

西而北有洪渡河自西南合諸水注之又北稍西有長溪

西南來注之又西北經彭水縣西又北有中清河自東北

合諸水注之又北有香溪口河西南來注之又西北有木

棕河北自麝香溪合二水注之折西南有渡頭河自南合

諸水注之又西折西北有一水自東北注之又有石梁河

合三水西南自方竹箐都家壩北流東合後溪河注之又

黔江縣志

卷一

地輿 疆域

三

北流稍西有大溪河合諸水注之又北有百灘溪東來注

之又北折西而北受西南來一水又北曲曲至涪州入大

江此黔江源委也均於今治不相及縣水之大者無過阿

蓬水亦名蓬江東北由湖北唐崖司入境為唐崖河受中

壩水及縣七十八溪暨官渡河納深溪水出小江壩有魚

灘袁溪諸水來滙至酉境濯河壩納金溪水統名曰蓬江

上下百餘里頗通舟楫達州地兩河口峽經南溪河出龔

灘入黔江又水之向西流者老窖溪經兩會壩合可通水

入馬嘶口又老黃溪一名沙子溪流經白石關南流滙白

鶴橋水亦入馬嘶口抵彭境老郁山又西有黑溪水來滙
又南有泡水由西池來會又西北龍嘴河自湖北中路司
界流白巖關西曰中清河西南經郁山並滙於郁江至彭
水治西入黔江今縣境東西二水率距黔江即涪陵江二百餘
里而胡以縣名也解之者曰吾邑肇自季漢初名丹興隋
爲庸州旋廢置石城縣唐宋曰黔江於唐屬黔州宋南渡
後屬紹慶府意宋之黔江必係地兼彭水而唐代黔州治
所亦必在今縣境內想爾時庸州旣廢便置黔州黔州改
置夷而爲縣吾意不然縣境彈丸黑子水道不通羈縻名

黔江縣志

卷一

地輿 疆域

三

XOL

都則易治控制諸蠻則不足故累代爲石砭中路唐崖酉
陽大旺眾土司所侵佔其云黔江者別乎黔中黔南黔安
黔州黔陽而名之也後周在彭水置黔州隋大業初置黔
安郡唐武德初復黔州置黔南都督府以石城附隸最近
故天寶元年改曰黔江其以黔冠之者明爲州所屬也其
以江歸之者或爲縣所有也按爾時酉陽別置思州領務
川思王甯夷三縣巽灘一帶黔水經流或劃歸縣治自五
代後酉地沒於蠻獠黔州置武泰軍節度使時有重兵鎮
守不爲蠻所侵略州治西北諸境瀕臨黔江疑仍縣有遂

紀其實而因以名之宋淳熙間施州奸民覃汝翼竊發與知思州田汝弼交惡覃舉眾南掠黔江施黔大震繼田之嗣起兵報仇踰黔蹂施被夔府林栗參奏革究田懼與其母冉氏謀以黔江田業盡歸於吏計值錢九十萬緡詳見林栗傳奏則黔界之多爲酉併也可知迄元置酉陽州屬懷德府明玉珍改爲沿邊溪洞宣慰使權勢綦重彭水之紹慶府又夷而爲縣與黔江並屬重慶及涪州規制旣狹疆域日蹙大府又鞭長莫及一時土寇蜂起腹地如水寨峽口柵山後壩爲龔胡秦向四豪所分據彼時邊境必任

人侵佔及洪武二十五年涼國公藍玉討湖北散毛司向調酉陽土兵隨征有功以附近九靈地歸酉陽以黔江之酉陽山爲界詳見冉氏族譜載入酉志夫九靈地今查在湖北來鳳界旣云以黔江之酉陽山爲界則必與黔毘連割而予之黔失其境矣後以地界軫轉成化間委張巡道臨勘以大堆壩穿厂高磧口兩河口歸之酉陽卽附近如魚灘小江壩謝家壩泉門口等處幾爲土酋所捏佔邑人朱衮記之甚晰而他更無論已故亡其實而名猶存曰黔江徒以代遠年湮文獻無徵建置沿革靡所能舉卽老生

宿儒問以命名之義亦瞠乎莫辨因備攷之以待通人之

訂正

附 邑歲貢朱袞復正誼鄉界碑記 黔自明初涼國公奉命

趙士英由巴東進後路取施州衛大田所進黔江乃建石

城一座安屯步官軍三千有奇日食涪州倉口控禦諸夷

時官軍就地開墾舊職指揮孫旺督領百總謝昂等自龍

橋起開魚灘小江大堆壩上下廟溪官村謝家壩過小河

泉門口桐車壩穿厂高磧口兩河口耕種為業相傳已經

百年從無物議酉陽司在元時降明玉珍獲罪於明曾貶

其爵罰其兵米協濟湖廣大田所西人以為苦牽連吾黔

遂起爭端以至訐奏御前成化時委張巡道臨勘斷以泉

門口小河為界將大堆壩穿厂高磧口兩河口斷給土人

其謝家壩官村上下廟溪小江魚灘龍橋斷歸黔人止令

幫麥糧數石轉解大田所前朝已久分晰之矣我

國朝定鼎潘侯奉命知黔事甫入境荆賊據城衝馳侯極力請

黔江縣志

卷一

地輿 疆域

三

兵恢復城堡出民湯火土官冉奇鑣乘變借串解麥糧之

說捏詳妄爭蒙上憲委黔武彭三邑會勘祖黔祖酉者持

議不一朱郡守陳刑廳審詳賈楊兩守道李制軍佟劉兩

撫軍勘定正賦歸之庫土地復之黔勒石永遵酉會懾服

黔至今安枕矣夫正誼一隅耳一詳再詳大聲疾呼為民

請命者首賴吾侯潘公筆吐血覆勘無私矢心天日繪

圖公進者續賴武隆游侯嗣邑侯何杜二公復共推挽之

正人相繼後先并力土始得歸民始得安彼祖酉者當自

愧矣噫嘻治其土者為其民在其位者謀其政獨難我潘

侯任黔時請兵復城為國開疆與會爭土為民復地凡黔

土地士民無不周恤此心此德天地知之鬼神知之黔之

白叟黃童知之至今知者知之不知者亦知之土庶何修

地方何福而倖獲此仁人父母也闔邑人心去後與思惟

是勒石此日祝萬年治衮年齊耄耋心勞筆禿實勤厥

成不避忌諱據實特書一以彰美惡一

以垂永久庶幾斯民三代之直也夫

附 志補張公華離說

周禮形方氏掌制邦國之地域而正

其封疆無有華離之地注云離當為

雜華讀為孤離訓絕孤訓邪正之使不孤邪離絕此先王
建萬國親諸侯之本大小之所以相維也今郡縣猶古封
建其疆界之正豈得已哉乃吾觀邑東南五十里曰魚灘
在河之西應歸我治而以屬於西曰桐木纂在河之東應
歸西治而以屬於我縣北六十里大路壩地界與咸豐犬
牙相錯半黔半咸地勢使然其無謂者彭水之李家營突
插入於我界中如贅旒然本細而未巨斜長計四五十里
烟火干家其刁民以距彭治太遠恆出沒於我界中而肆
其侵擾於今為烈尤不可解者以界石砭界鄧都界利川
界彭水與黔絕不相屬之三義鄉忽割而隸於我稽其地
則有土無田也稽其民則強梗不化也稽其幅員則縱幾
六十里橫二十里比於
國輿圖其形則今之台灣也且遠距縣治三百餘里固已離
絕豈特孤邪哉以故鞭長不及迄於今號稱難治夫自古
矜遠馭者必由貪其土地利其民人始不惜冒危難而據
為我有今天下一家中國一人隸彼隸此無非奉
皇朝之車書何必割裂以阻一統之風教俾繼此為有司者多
所掣肘哉揆以先王疆理天下之宜當日之勘定必有任

黔江縣志

卷一

地輿 疆域

六

其咎者故吾為
華離說以糾之

山川

志補疆域以現在境界為定四至八到前志載之明晰不
容復贅然尚論古籍亦足擴我見聞如漢之丹興跨有秀
山溪口等處周隋之庸州石城治宜有施南咸豐來鳳等
處石城在今縣壩係邑東之極邊界故云宋之黔江置二十九砦今攷半在
施南府界內明初各土司叛亂蠶食疆以日削如前志載
入之酉陽山荷敷山黃連大小埡山大小歌羅山羽人山
老鷹寨以今攷之俱不在境內非盡寰宇記方輿勝覽方
輿紀要記載之訛良以古今定制不同疆域亦異故特詳

黔江縣志

卷一

地輿 山川

七

為參稽於前志所載山川曾經目覩者復稍加潤色其新
採入者附載以俟後之君子訂正焉

酉陽山

通志縣東五里山勢綿亘城東儼如外郭高與雲

建文峰

塔於其側下為深峽相傳即柳孝子伐木得沉香

處

附攷方隅紀要酉陽山在司西北百八十里接黔江

界

利病書同廣輿記酉陽黔江以此為界通志山

在州

西北一百五十里隸黔江縣界州名以此

志在

縣東五十里以山近酉陽界故名

文攷

酉黔接界之地凡三為烏家蓋灌河壩石鐘溪其西

陽山

在黔江縣東五里志謂以夕陽倒映山色紫赤為名

且密

邇縣治必不能與酉陽接壤惟冉氏別譜載明洪武

末年

散毛部落向天富等作亂調酉陽土兵一萬三千隨

藍玉

討平之以附近九靈地歸酉陽以黔江之酉陽山為

界然

則以酉陽山冠州山之首蓋據土司時地界而言耳

按查

湖北來鳳縣志言縣為前明散毛宣撫司地明史

地理志南有白水河一名西溪自忠建宣撫司流入東南入永順司九靈地卯崗均在散毛故地酉志又謂卯崗即酉崗古卯字作卯酉字作卯後世誤卯為卯遂謂之卯崗云云又寰宇記云今之三亭縣西北百九十里別有酉陽城乃劉蜀所置然則再志所謂酉陽山當在今來鳳縣地也

八面山 通志縣北二十里 方輿紀要上有池周百頃四

上十餘里山之最高者曰鐘山頂四顧茫茫雲山萬重初

行甚險仄比至巔則曠野絕壑蔓草荒林不可目極山腰

有明崖壁立十餘仞明洪武間涼國公藍玉征蠻至此駐

節咸豐辛酉民避匪於此賊屢犯不得逞旁有紫陽洞及

石鼓石鐘諸勝境四時常雲覆其上 天晴則金光萬道璀璨奪目

羊頭山 通志縣北三里以形似名一曰仰頭山為縣治主

插入雲霄嵐光 盪翠仰止莫極

黔江縣志

卷一

地輿 山川

三台山 通志縣南三里今治南里許三峰並峙由城內遠

為縣治 案山 眺與眉額相埒如三台拱極文星朗耀巍然有光

烏鴉山 前志治西北三里峰高數十丈上

武陵山 通志縣西九十八里今在治西六十里元統志本

形似舡故名又名衛林山叢林茂鬱攢峰極天為

縣治之名山上有真武觀朝拜者遠近踵相接

附志補張公武陵山記 一邑中人民牛馬水旱癘疫必有

山川能出雲為風雨皆曰神而况禦大災捍大患曠千百

年歷著靈應遠近數百里間莫不頂祝奔走恐後此其精

氣蜿蜒扶輿磅礴而鬱積固神之尤神者也如縣之武陵

山是已山在石會鄉距城六十餘里舊志引元統志本名

羈縻山唐天寶元年改名又以為因馬伏波得名伏波征

武陵蠻駐軍於此故以紀事山下有九里坡相傳即伏波

黔江縣志

卷一

地輿 山川

充

射鹿處余停輿審顧杳焉不識其碑記所在詢諸父老咸謂耳食如斯想被村農攫去余竊疑之伏波征五溪蠻大都在今湖湘辰沅間下潦上霧曾不得過壺頭一步何緣遠越而軍此或者公之精誠無不格銅柱一標南人不反邑之人望其來一廓宿氛以戴漢威靈因相與僑置而尸祝之是亦神道設教之意然無確據所獨見者琳宮一簇高插雲霄隱隱梵聲飛遞而已其山通兩徑一由石塔鋪行臺西里許陡壁千仞藤蘿盤屈時有蹉跌之虞一由梅子關右行約二十里岡巒起伏林木蔭翳先有小蘭若俗名天子殿蓬筆數椽藉可小憩比將近澗忽中斷石梁駕空畏險異常舉頭山愈突兀勢如虎豹蹲伏近人即欲搏噬依山腰鑿仄徑一條累石齒攀援而上行者喘息不能禁厓茨礪眉偃僂曲折盤旋而登毋慮數百武乃至山巔其上曰真武觀前明之所修也後燬於火迄今補建尙未完備憑軒一望恍目劇心穹谷曠野冥不見底而後知斯山之巨麗靈應亘今古而不忒者有由也其前石鐘作懸垂狀石塔作撐柱狀羽人峰高插烟鬢迎面拱服又若率羣峰高高下下搯笏朝宗而來左右如有靈鷲陪位嶄巖嶽嵒奇聳與雲齊山脚兩水交縈匹練精光晃耀射日俯視塵寰人畜小如螻蟻山後有泉香冽可啜材木蔭翳斤斧不竭此誠域外之勝境登臨之極觀也惜其浮圖局於習俗正殿不供馬伏波而供元天上帝旁及南海西方眾菩薩蓋為庸妄人說法不如此不足以警動其耳目非不知斯山之以伏波傳名而故為此昧昧也余尋伏波像不得上人戒光引余至後殿指座上四神第二位曰此馬將軍戴兜摩鞞形貌頗肖曰前學使張公之洞夫人捐置而今功果成矣且神其說曰斯山每年必雷公掃殿不拘何處必留劫火云余謂邃古名山大川向為明神之所呵護斯山僻在邊陲未得與嵩華泰岱同列祀典而靈境獨闢宜為神聖之所式憑必若所云豈其然哉豈其然哉遍攷古碑僅有明萬曆一石語半荒誕不經某釋所記惟據稱此山向名衛林某年始改作武陵謹按大阜曰陵北方曰元武所供既元天上帝名以武陵也宜其向之以衛林名緣山木葱籠起見稍俗應易之雲颿氏曰昭烈征吳時先遣參軍馬良自涪陵出武陵郡招合諸五溪蠻酋或者道出於此似武陵之名自當因此而得且並訛馬良為馬援亦

不為無見云

羽人山 縣西六十里俗名相公嶺與武陵峰相對山形秀

欲現 寰宇記山在縣東四百三十里界湖北恩施縣山

頂與澧州分界 明統志一名神仙山無極水出此 按

今縣治不與澧恩 接壤或別有是山

柵山 通志在縣西三十五里兩山壁

二郎山 在縣西上有石鐘石塔各以

形名山間時有雞犬之聲

斑竹山 通志縣南七十里上有仙池每

獨峰山 通志縣西 歲生竹二株至尾則連環焉

人面巖 在縣西南百五里之石鐘溪

向南通立如人高百餘丈

地輿山川

黔江縣志

卷一

山川

金山蓋 高數十里綿亘黔彭峯巒層疊坡坳

起伏總名金山以上多鐵礦故名

峻山蓋 在縣東南九十里五里鄉之東高數十里環百餘

里界連西陽湖北中包轎子頂上天路黃連廠等

山小峯不可枚數蓋頂煙霧時積絕險少居人有崎路通

州界興隆坪達楚之百福司箐密人稀伏莽時虞 按黃

連廠或即志所謂黃連大小

堽然在縣之東南非東北也

高梁山 在縣東五里鄉其東為沙子場連白潭井跨馬頭

坡陡起三磊石迴顧如龍盤繞通湖北咸邑新場

金雞箐山 在縣西九十里白鶴鄉其山多金雞故名

又饒林木禽鳥甚夥鄉亦以白鶴名焉

五雲山 在縣西百四十里西池鄉金山蓋之麓山不甚高

而與如曠如四望金木水火土五星形畢具故名

靈鳳山 在縣西北百八十里大木鄉兩峰峙立高矗

雲表絕頂有廟山之陰峭壁千丈不可逼視

雞公山 在縣北百五十里茅壩鄉橫嶺峻絕跨連酸棗鄉

及彭邑李家營界土人於萬籟止息之後時聞雞

鳴

聲

如

鐘

石

鐘

石

塔

各

以

聲

三

88x

聲因名

馬巖山 在縣北中塘鄉壁立如屏風光淨無滓中有赭馬二鬣蹄畢具宛然入畫

佛首巖 在縣西四十里柵山鄉險而多厂髮匪踞城時數往窺覬山雲籠罩若有神護鄉民全活者眾故名

鳳池山 在縣西百四十里酸棗鄉卓立數峰靈秀特異按山以邑人李鳳池得名故上有鳳池像詳人物

荷敷山 通志在縣東南百八十里延入溪州三亭縣界周亭縣今湖南永順府保靖縣大山之延於酉陽於龍山則

有八面山於秀山則有穿河蓋皆綿亘二百餘里一西一東山尾悉延入保靖至黔江疆域其於保靖四面皆不相

及通志引輿地紀勝全文未識何據按輿地紀勝所載蓋指前代黔江疆域而言

今縣境無此及下二山

大歌羅山 通志在縣東北百九十里接施南界舊置歌羅驛

黔江縣志

卷一

地輿 山川

三

小歌羅山 通志在縣東北五十二里近此又有黃連大堖又大歌羅山在縣東北百九十里接施南府界舊置歌羅

驛於此按湖北施南府宣恩縣志歌羅驛在縣南九十里元明為高羅土司楊升菴丹鉛錄載

李太白流夜郎宿歌羅驛即高羅也

白磧山 通志在縣西北百三十里高九里周三十五里

黃連大堖山 通志在縣北四十二里

黃連小堖山 通志在縣東北四十九里

青巖山 通志在縣東北有二十五巖皆藏蜂蜜居人取以為利

狼山 通志在縣東二里輿地紀勝云出野狼眼在背上能食諸獸

唐崖河 通志江源攷唐崖河出金剛山西北山東南流折西南有南河合馬河自西來會有大田水自東來

會又南受東來之馬家山水又西南有梅子關水自西

北來會又南有金山崖水自西來會又南入南溪河

官渡河在縣東六十里前邑侯鄭公愈志稿云發源牂牁

黔江其入境之初為峽口河為百節洞山高水險舟楫不

通度三十里經縣壩即石城舊址其特立於中者為水寨

之山水繞其下鱖魚泉黃鱔壩鯉魚池諸水皆歸宿焉

按即唐崖河下游鄭志合永順散毛司水並記誤

阿蓬水通志在縣東南自湖北恩施縣流入又西南逕州

州清江縣界來西南流經黔江縣北一里又南入洪杜縣

界元統志蓬江去縣一百八十里源出穿禁山林箐溪

洞極險不可行舟南流合施州江舊志今日東小溪在

縣東五里源出施州衛大唐崖司之峽口西南流七十里

至酉陽魚灘與七十八溪合流又六十里徑酉陽

司北為南溪又六十里至龔灘達彭水界入黔江

酉志冉崇文攷唐崖河太平水東小溪阿蓬水皆一水也

黔江縣志

卷一

地輿 山川

因紀載者地名互異故疑竇生焉元統志之穿禁山未詳

所在疑即金剛山之別名通志按輿圖此水源出湖北

恩施縣西南金峒龍潭諸土司界曰麻地壩河南徑唐崖

土司界曰唐崖河自黔江縣東北入境西南流至州北界

有北河自湖北漫水司界匯諸水西流合焉此下又謂之

南溪河西南至龔灘入黔江即舊志所謂施州江也

志補以上諸水合言之祇一阿蓬江耳就水之來源言曰

唐崖河曰太平水流三十里曰舟白渡再二十里出峽曰

官渡河曰魚灘再六十里曰濯河壩渡口縣南金溪水入

官渡河曰魚灘再六十里曰濯河壩渡口縣南金溪水入

焉至州地兩河口有東北來鳳大旺諸水來滙入於峽其

下曰大河壩謂之南溪河以達龔灘通志江源攷甚精按

南府來鳳咸豐圖志皆然

附 邑拔貢趙大煊記 邑之諸水以縣壩唐崖河為大其上

地故名一統志寰宇記又謂之阿蓬水可行小舟東南經

舟白渡龔家壩以下入峽亂石枕塞不通舟楫約十餘里

出峽口為官渡河又南三十餘里至小江壩河東為馮家

壩場已入酉陽界又三十里至謝家壩渡口界小河而邑

境遂訖隔岸即酉屬之濯河壩場又南三十里至犁灣灘

又三十里至兩河口東有北河來滙出峽三十里復通舟

楫為南溪河再下百二十里乃入龔灘大河按此水在縣

境中凡受大溪水者四經縣壩則後壩中塘之水入之經

舟白渡則縣南七十八溪之水入之經謝家壩則白土金溪之水入之

龍橋袁溪溝之水入之經謝家壩則白土金溪之水入之

黔江縣志 卷一 地輿 山川 三

其他溪溝小水泉澗細流指不勝屈故每當夏秋盛漲

泓泓汨汨濁浪奔騰其氣勢之澎湃旬旬雅亦可觀也

七十八溪水 通志在縣西南源出梅子關東北流四十里

灘入東小溪 按水至舟白渡入唐崖河再

下峽口內入以東小溪而後至魚灘通志誤

大木溪 通志源出八面山東南流二里過阮公橋出桃子

今名大溪水 按即今桃子壩水距八面山

山頂約二十里通志云流二里疑落十字

四十八渡水 通志在縣西二十里源出柵山曲折流四十

云一統志載七十八溪與此同源經城西沙子壩與大

木溪合流今無異派殆即此水傳聞之誤也 按是

志補柵山之水源出梅子關實一水也而四十八渡七十

八溪並稱卒莫得其解或謂流四十八灣故謂之渡或謂

記稱七十八溪水溪字恐係渡字所誤曲爲之解皆非也
攷梅子關迤東至城西沙子壩地僅四十餘里雖南北皆
高山大壑不過四十八渡而已惟合大木溪水及城南南
溝黑山溝併城東北下壩諸水方符七十八溪之數查大
木溪源亦二十餘里合西北諸山之水溪溝紛出南至城
西桃子壩水勢汪洋幾與柵山西來之水相敵觀舊志阿
蓬水祇書七十八溪來滙不再詳大木溪及南溪下壩諸
水者卽該而言之也是在沙子壩以上卽爲四十八渡水
至城西南入以大木溪所滙諸水並南溝及城東北下壩
諸水卽爲七十八溪水通志合大木溪云云書法甚明以
溪易渡者蒙大木溪之溪字言耳

黔江縣志

卷一

地輿 山川

五

可通水通志在縣西西南流入彭水界 寰宇記彭水縣
北注內江水前志今有西小溪源出縣西金雞箐山西
南流二十里入彭水縣界經亭子關又五里逕郁山鎮又
四十里至鹿渡又三十里入郁江通志註按輿圖黔江
之西彭水之東北共數派合流其正脈出自湖北中路土
司界南流經沙溪司西曰龍嘴河自縣北白巖關西入境
曰中清河又西南經郁山鎮北其東有小水流入之卽所
謂西小溪也其下有後江河自北流入之又西南有水洞
河亦自北流入之又西南東滙一水至彭水縣城入黔江
兩會壩水按卽縣西

西小溪前志在縣西九十里源出金雞箐山
西南入彭水縣界卽所謂可通水也

按西小溪源出金雞箐山之陰可通水源出武陵山並

金雞箐山之陽二水皆流入黔彭交界之馬嘶口渡又

二十餘里有西北黑溪水來匯注於郁江

深溪河

縣東五里鄉發源湖北荆竹泉夏冷冬温出細鱗

按即東小溪

分水溪

縣東五里鄉一名石鼓溪源出分水嶺匯吳家溝

至兩岔河與深溪河合流上下經天生橋者三出水若同入官渡河

金溪

發源縣南金山蓋之二坳河合數小溝東流至大

注之又東南流至箐箕灘長春溝水叢樹嶺溝水俱東北來

黔江縣志

卷一

地輿 山川

三

又南至乾溝紅幹溝伍家溝水東南注之又至田家坡趙

南注之又轉東南至石磔小幹溝水注之又甘雨溪東

石鐘溪

縣西南白土鄉以源近石鐘山故名一源由長連

合流而東有猪腸溝水注之又東至兩溪河柞楠溝水北

來注之又至兩河口馬家溝水自東北來注之又至柳擔

阿蓬水

源出縣南金山蓋之二層巖匯羊蹄溪辣子溪諸溪

泡水

源出縣南金山蓋之二層巖匯羊蹄溪辣子溪諸溪

於彭之

老窖溪

源出梅子關西西南流合可通水

黑溪

發源縣西界牌埡至勝地壩匯

袁溪

源出縣南青岡鄉麻布溪匯平溪木廠楊柳諸溝水

之進峽十餘里潛度龍橋出口為

老黃溪

縣北酸棗鄉一名沙子溪源出樊家溝經白巖關

鶴橋張家營二水入之流經彭地甘棠

段溪

縣北中塘鄉源出湖北咸邑之蛇盤溪入界匯小南

出峽達縣壩入唐崖河

按前志分列尙有數水今攷南溪卽西小溪名異實同

趙家河史家溝入金溪李家溪卽梅溪入袁溪源分流

黔江縣志

卷一

地輿 山川

三

合故不另注

形勝

通志巖峰聳翠路徑逶迤

前志東北跨連荆楚西南直達夔巴介酉屬之當中分險要而扼蜀誠支邑之奧區川省之別徑也

志補川省輿圖夔府在縣治東北巴渝在縣治西北而云西南直達夔巴未合又酉志冉崇文云舊志於形勝一門惟取渾括不務詳明千貉一邱令人覽之不得其要竊意若統志若通志撮其大概不得不然一州一縣而亦以寥寥數語了之甚非所以紀形勝而示封守也今因師其意

黔江縣志

卷一

地輿

形勝

三

變其體將現在境內形勝詳列如左

縣東形勝

涼風壩

在洞口鄉北連咸豐界路當兩山之間其地高峻時有大風故名

長岡嶺

在洞口鄉東通咸豐來鳳大路直上十餘里石磴雲棧攀躋無極至水井壩始越而下

黎耳坪

在洞口鄉由舟白渡上連五台峻極於天走沙子場通咸豐路

界碑山

在五里鄉沙子場荒山不毛數十里寂無人煙為川楚分界之區宵小每出沒於此

分水嶺

在五里鄉南通州地嗎喇湖形極險要咸豐間粵賊竄五里酉州知州王公麟飛扼賊於此築有關

水寨

在官渡河上游山峽中三面環水惟北倚山而峭壁削立無簾箐可攀前明為土豪龔姓所據粵匪

之亂民多避賊於此真天險也

高山堡 在正誼鄉北高踞陵巔下瞰長河昔人築堡於此防杜故名

縣南形勝

泉門峽口 在正誼鄉上有天橋金溪水流其下喧豧如雷

車坪粵匪再至由此入境下為謝家壩平疇曼衍可

以耕屯接馬家鋪塘路走濯河壩渡口為水陸要區

崖門口 在金溪鄉東兩山壁立艱險難越其東余家

梅子埡口 在金溪鄉南山勢險要為西州太

百丈崖 在白土鄉崖北為縣境張家蓋南為西州滴水巖

附邑拔貢陳炳璋記 張家灣之後有崖焉橫亘峭削四時

林而秀草芊綿蒼橫翠滴每當霧結雲開以卜雨晴甚驗

中有黃連小株晨曦輝映璀璨如金射利者緹取不可得

黔江縣志

卷一

三

有虎臂小峰二銜接其旁前方挫角轉案衡平遠矚者方

之萬卷書焉而石鐘山峙其右卓起如筆並巋然為百里

之望崖下有深穴高廣可容數百人晝明夜晦其中有石

樓石梯諸異狀惜無窮其際者又有沈泉為小溪所自出

脈源於長連池下流為石鐘溪田畝灌溉得所資焉柳

州云窮谷岷崖不煩人力而自然天成者於此崖見之

辣子溪 在青岡鄉兩山夾澗峽行仰見天光如線越頭二

徑捷 三坳為彭邑郁山鎮走西州濯河壩來邑百福司

縣西形勝

梅子關 在柵山鄉雄峻陡健四山包圍鴉飛難越咸豐十

相持間突賊別支從小梅子關至前後夾擊師遂驚潰

九里坡 在石會鄉相傳為伏波駐軍處有碑記惜字早漫滅

譚家寨 在泡水鄉龐家溝之上元末蠻獠侵擾土豪譚姓築寨於茲故名一峰突起旁有數峰錯落應之絕壁上有長劍橫插樵牧攀蘿而上持其柄搖之似動而不能拔出矣已歲其上忽崩裂一角塵埃竟日眾觀一白鷹飛出皎潔如雪移時復入崖隙

亭子關 在西池鄉郁鎮來路兩山夾溝深不可測巖叢小徑隨山宛轉不容併足稍築壁壘則天塹也

冷竹等 在黑溪鄉西接彭邑界下通彭之落地壩高山荒涼時宜警備

白石關 在酸棗鄉山峽之中與彭水利川界交錯居中控馭可以扼利川長灘壩來路

縣北形勝

黃猴寨 在老黃溪東界連毛壩黎水大木酸棗四鄉高六七里頂寬三十餘里上有土城相傳為土豪所築

百丈峽 在大木鄉西巉崖無路猿猴愁攀過此為黃木坳可扼利川井坪來路按

黔江縣志

卷一

无

後山坪 在大木鄉北由石蒜壩越數峰而過界連利川捫頭場路

冲天坪 在黎水鄉東連成豐活龍坪場萬丈明崖昔人築寨於此控禦故一名高山寨其北由白虎山越黃

草嶺通利

大路壩 在后壩鄉地與成豐插花其南山名安福司亦舊屯也西北走成豐蛇蟠溪西接小南海徑路險仄

顏石人立 在東有二

仙崖亦通 成豐來路

附勝景

段溪塘 在中塘鄉峽中兩河之匯右控冒風地左馭寒婆嶺又遙制錢子埡口俱連成豐界為行人僻路

三台拱極 即三台山當縣治之南三峰錯列秀氣成彩如台星之拱北極

八面興雲 即八面山雄峙縣治之西天將雨則雲縹石而起閃閃如飛不崇朝而雨遍城鄉

羊嶺朝霞 即羊頭山近在城北舉頭可仰每

西陽夕照 即西陽山每落日銜山萬物皆晦而茲山獨明烘如赤壁

鹹溪飛瀑 即縣西七十里之鹹溪懸磴二十餘丈瀑布飛流如珠簾玉屑按其水味鹹

墨沼流香 即洗墨池在縣南十里分水嶺脊縱橫畝許深三四尺水湛黝如潑墨相傳有仙人於此洗硯

故色常黑池側舊有亭今毀遺址尚存斷碑一二皆邑中前宿所題詩句惜漉滅不可識池故多菖蒲近里人田與

壁茂才始芟除之改種碧荷並養魚其中每夏秋間清風徐來遠香嫋嫋襲人衣袂花光水膩鱗躍羽翔誠韻事也

附邑拔貢趙大煊詩 欲題閨苑詩故洗隴麋墨仙來池水清仙去池水黑曉風縹元紋倒染青

山色誰當寫黃庭蘸筆臨池側紙幅借雲藍書之契元默按原擬藝文分載各條之後繼詩未果分附訂於此

霽雪凝岡 即羊嶺之來脈迤邐北一帶山岡綿亘十餘里每晴雪交烘凝如白璧無纖塵相雜

幽蘭秀谷 谷在八面山麓產蘭最夥而以素心者為佳心素而瓣微赤者次之開多並蒂產於山嶺樹樹

林中者尤盛鄉人常以春初取蘭掛薪上并賣之其值甚賤但素心者不易觀

武陵霧雨 即武陵山其山凌空崛起如虬龍矯首天半巖巒峻削古木葱蒨高三百餘仞每春夏欲雨則

絮雲縷縷從峰腰石罅中迸出混茫一色渺無涯際第覺雲蒸霧擁山勢欲飛人恍立蓬萊第一峰焉

羽人煙鬟 即羽人山從石會西路來遙望之峰巒重疊煙雲淡抹如披無縫天衣聳峙於山巔

烏鴉集仙 即烏鴉山在治西三里林木葱蒨山水清幽嘗有人題詩於壁自署赤陽子詩境清曠迥超塵俗其字深入木裏洗刮愈明

因共指為仙蹤詩詳仙釋

金鐘飛韻 即唐趙國珍銅鐘屢經火劫完好如初鑄叩之聲音宏亮大而遠聞餘韻逾時不歇

黔江縣志

卷一

古蹟

丹興廢縣 華陽國志漢建安六年劉璋置蜀時省 寰宇記丹興故縣在今黔州東二百里黔江縣是

前志漢丹興縣即今縣址古名楠木坪後代廢縣始遷治石城貞觀四年仍移今理

志補按分涪陵置丹興縣後又置漢髮縣漢髮在今郁山

相距百四十里兩縣並建不宜如此之近前志指丹興址

為南木坪未為定論

石城故縣 通志在黔江縣東南二十里 隋志巴東郡石城縣開皇初置庸州大業初州廢 元和志黔

江縣西至黔州二百里隋開皇五年置石城縣屬庸州大業二年廢唐武德元年又置天寶元年改名黔江 九域

志縣在州東百八十三里 按石城故址前志云即今縣壩有紹慶時碑記字蹟模糊莫辨然今縣壩在黔江東三

黔江縣志

卷一

地輿 古蹟

三

十里通志以為東南二十里恐係傳寫之訛又方輿紀要以石城廢縣即劉璋所置之丹興縣疑是

故無慈城 寰宇記唐武德元年移就無慈城貞觀四年又移今所 元統志縣昔為洞蠻侵擾移治老鷹

砦南至酉陽溪百二十里東北至清江縣二百三十里西北至龍渠縣二百九十里 西志冉崇文攷無慈城與老

鷹砦為一地即今縣壩東之老鷹關是也武德時移治於此元時又復治此明初乃於丹興舊址設屯田守禦所又

置縣於所之右萬歷時始合為一城是黔江自漢至明凡五遷也

志補按湖北咸豐縣志西南至水井塘老鷹關與四川黔

江縣白家河交界距縣治百四十里是在縣東七十里也

廢庸州 即縣東三十里 縣壩石城故址

黔江守禦千戶所 即縣署東千總署 所有古柏二株號將軍樹枝葉全枯內含生氣相傳此樹

在有明以前年代無攷 明一統志所
在縣治東洪武十一年建隸重慶衛

黔江二十九砦 宋史地理志黔江有二

附志補攷 周禮大司徒掌天下土地之圖周知九州之地

而地輿之廣輪見天下如是郡縣亦宜如是黔處荒僻文

獻無徵志且殘缺何有於輿圖舊志據宋史地理志黔江

有白石關門左水永安安安樂雙洪射營右水蠻塚浴水潛

平鹿角萬就六保白水溪小石砦高望木孔東流李

昌僕射相陽小村石門茅田木册虎眼二十九砦俱不可

攷今按縣境東西百六十里南北二百五十里豈容許多

之砦查彭水志萬就故砦在今萬足鄉原名萬楚

國朝改為萬足鹿角故砦在縣南九十里鹿角沱安樂故砦在

縣東北甘棠鄉安樂壩茅田故砦在縣東五十里茅田鄉

土溪故砦在縣東七十里大河鄉石門故砦在縣東北橋

梓鄉石門壩此六砦之見於彭志者也其疑在彭境者如

雙洪即昔之洪杜砦六保即今之保家樓射營即今之李

黔江縣志 卷一 地輿 古蹟

家營此其字義之可尋而素為雄鎮者也又查湖北施南

府志以本册及忠崗高羅等七司地為宣恩縣治以東流

及散毛蠟壁六司地為來鳳縣治而木册相距有二虎砦

疑即虎眼砦此木册虎眼東流之散見施志者也又利川

縣西至掛子山與四川石砦廳桅杆壩交界疑即石砦故

砦南至天望坡與咸豐東鄉交界疑天望即高望故砦咸

豐縣北至龍嘴河與利川石門交界疑即關門故砦西南

至水井塘老鴉關與四川黔江縣白家河交界疑即白水

故砦宣恩縣西南至杉木孔與利川粗石溪交界疑即木

孔故砦他如李昌地名見於宣恩縣李家河小村地名見

於咸豐縣禮忠里永豐樂鄉咸豐有焉義與永安安樂相

近漫水砦蠻王塚來鳳利川有焉跡與浴水蠻塚相似此

數地大都天設之險往往在交界處所近猶設塘汛其為

自古扼要兵屯之區確切無疑而縣境轉無聞焉或者白

石關即白石關門之統稱歟白土鄉即白水溪之省文

歟若小溪之名所在皆有未敢附會而左水右水潛平僕

射相陽逼查鄰境志乘亦莫適所指則以圖亡而縣志自

宋迄明久缺如也吁可慨也夫 論曰余攷黔江有二十

黔江縣志

卷一

地輿

古蹟

三

九砦而知昔非今日之彈丸黑子也宋時縣屬紹慶府控
 制宜遠而施則隸於夔路置州領縣二清江建始而外餘
 俱羈縻之地其界今尚存黔江砦非黔砦之佔其地實其
 地之隸黔江也即其地不必實隸黔江而思以砦羈縻之
 鎮撫之則不得以名砦之故繫黔江也何也以其為黔
 江砦亦即紹慶路也夫黔江之砦既於施屬肆其東封何
 又於彭界肆其西封曰黔砦之在彭者非彭之割而入於
 我也亦借焉耳夫何不直以彭砦名之黔自唐得名最古
 其聲播而遠聞彭則時置黔州設紹慶府或夷而為彭水
 縣迄無定名故其砦不以彭名而統以黔江名且其時府
 治既在彭矣彭附郭蕞爾黔則跨有數百里之地益不得
 不以砦之名歸於我亦猶黔州節度黔南節度足以震百
 蠻而靖敵氛秦之伐楚也使張儀率師由枳道入取商於
 之地六百里以為黔中郡先主之征吳也先遣參軍馬良
 自涪陵出武陵郡合五溪蠻自古用兵以奇勝者恆由此
 路宋自南渡益弱無日不虞金元之侵故常於此設屯為
 荆楚藩籬其砦之在境內者以黔江名之其砦之不在境
 內者亦以黔江名之或設土兵或宿制兵當日之營制不
 可攷而名者實之附其名存其境之大可想而知也觀前
 志引方里經云唐崖土司佔去洞口峽口中塘後壩酸棗
 各鄉地五十九處忠路土司佔去酸棗地十三處此據明
 季言耳若明以前則並無土司其地皆我柔服而不侵不
 叛者也九靈崗在今來鳳縣南明初設有黔江西陽司夫
 西陽司曰黔江其為黔治也明甚元末明玉珍據蜀盜竊
 紛乘自勝朝改施州為衛疆以戎索形勝處遍設土司於
 是百蠻思逞迄無甯歲而黔江又遠隸重慶侵削日甚地
 多亡失砦遂因之莫攷暨釐為利川咸豐來鳳等六縣升
 國朝創制顯庸就土司所割據釐為利川咸豐來鳳等六縣升
 施為府則諸土司之侵於我者自不得歸於我而界分川
 楚縣與砦遂如風馬牛之不相及此固歷朝損益沿革之
 精余備論之以見昔
 之黔江非今日比也

附奇蹟

小南海

在縣北後壩鄉事詳祥異志及人物志劉孝子註

附志補張公遊記

海上有三神山瀛洲方壺蓬萊遺俗者

子觀神京南北海樓閣雲起一水中泓霞錦燦爛頃刻

萬狀竊臆海上神山不過如斯己丑夏承乏黔江甫下車

聞邑紳有談小南海者曰咸豐六年丙辰夏五斯地連日

隱隱雷震旬欲裂居民惶遽逃避無所忽霹靂一聲天

翻地覆大山陷入地中復跳擲上出而後下墮石花亂飛

洪水噴出壓斃民口廬舍無算向之原隰龍鱗千戶百口

之所墾種國課地租之所徵收林木巖壑猿鳥之所棲宿

頃刻澤國汪洋化為魚鼈予聞聳然及公出至後壩距小

南海不遠順往觀之凌晨肩輿冒霧前進節節登高遠望

磊石漸漸如斧削痕嵐翠欲滴行徑益狹似武陵漁父欲

覓無路石隙間居民結茅為廬約有三五家么桐厯落成

林磊石散漫星羅碁布如武侯入陣圖盡皆向石所隕墜

心為警悚久之正徘徊間忽巖豁洞開別有天地得睹所

謂小南海者青冥浩蕩茫無畔際水在山巔山為低小濶

祇數里長竟數十里上通板夾溪乘船渡過儵魚出沒大

幾盈尺噫異哉滄海桑田滄海造物固如斯靈活哉

黔江縣志

卷一

地輿

奇蹟

焉

尤異者海中有朝陽寺一所相傳前在山頭地陷時山神
與海若交鬪夸娥負而疾趨重置不測之淵顛倒傾側無
慮百數十丈而茲寺無恙廟貌依然迄今山巔高出水中
林木青葱遠近望若浮圖是殆所謂海上神山耶是耶非
耶吾不得而知也知其異而已

石筍在五里鄉四無依傍於石梁上突起一峰尖如筍削
而上腰間常有雲生俯視

溪水縈流若線天然畫景

借穀洞在五里鄉洞極平坦濶數百丈中有岑樓疊閣飛
禽走獸之狀皆巖泉滴久所成相傳仙人昔嘗貸

穀賑饑居民先以借券往求次日負之籬筐中
悉如借數歲熟還之後狡者去實還穀事遂絕

石人山在五里鄉崖高數十丈遙望酷似人形嘉慶初白
蓮教犯順時石人常夜哭居民驚避未幾賊至石

人之頂為賊礮轟落

響水洞

在正誼鄉寬濶深邃可容數百人洞中石形如鬼怪勢欲搏噬非值離亂人跡罕至

雙頂巖

在正誼鄉相傳有人見馬食物跡之至巖脚不見昔多叢林今被伐如童然白巖中見黑馬形居近

此者恆利於武每逢馬色油然必進武學

轎頂巖

在黎水鄉高百餘丈巖腰忽見小隙寬尺許長丈餘深三四尺不等中含小石圓而長堅而滑色淡

紅摸之欲墜而力拔不得出用石擊之聲聞里許

公孫山

在黎水鄉高數百丈旁附小山略矮遠望之如公負孫故名山腰一石大數十圍夏間蠅集成團大

於篩輪居乘此脈者恆子孫蕃盛

寫巖山

在黑溪鄉巖下有洞極高大其中巨人跡駿馬蹄雜沓不可名狀泥印恆如新怪石相望碩鼠成羣

入見者莫不驚駭行數里忽有小口黝密不可測每黑氣從洞出如雲覆巖上占為有雨巖陰出煤供人炊爨煮鹽

黔江縣志

卷一

地輿

奇蹟

三

牛鼻石

在黑溪鄉巖門口有石形如牛鼻兩孔常浸潤久雨不溢久旱不乾最為靈異

天花阪

在大木鄉有巨石巍然如龍張吻上平行可坐數十人石面現月色斜紋一線彷彿銀河餘痕歷歷

如星辰羅列夏日尋勝者往往麇集於此嘉慶初有在此葬親者忽雞犬為之不鳴乃改葬焉

來龍古洞

在大木鄉洞深無底世傳有犀居其中每當陰雨晴霽洞前往往見美人或老媪形不一壬戌

間牧兒楊姓芻蕘其間聞內喻喻有聲駭極逃歸約鄰人操戈而往則寂然無聲少頃聲復作細如鼓吹爭以石相

拋擲聲頓止有壯者欲探其異縋而下盡百餘級始達底有戶豁然不甚寬敞蛇伏而入見怪石森立作岑樓疊閣

形更欲進探覺足下泥滑俯視之如有物行跡猶新壯者髮立乃返

右青龍嶺

在金溪鄉嶺長數里蜿蜒若龍每遇久旱至此禱雨輒應中有龍洞水清澈見底夏涼冬溫頗

資灌濟其外竹木掩映饒有勝致

小金溪泉

在縣南七十里趙家河將入金溪河處有石梁

謂之透泉風雨立至

銅泉峽

通志在縣東南二十三里按五里鄉深溪河有

距縣治五十餘里

仙掌巖

通志在縣東二里巖面指痕如畫傳為

石羅漢

在縣南二十里崖旁有石人伸

白礬厂

在縣西北四十里相傳宋黃山谷至黔聞

櫃子巖

與地紀勝在縣西五十里按此指柵山鄉之木

泉門口均有木櫃遺蹟

黔江縣志

卷一

地輿 奇蹟

三

附 邑拔貢陳炳璋記

邑中勝景一曰木櫃懸巖官渡河柵

到故莫知所貯何物惟泉門口巖上五櫃採確者曾探得
實蹟言巖凡二厂一厂三櫃即確洞一厂二櫃尤高絕莫
能至確洞之櫃櫃二櫃櫃三箱箱長三尺高半之中貯白
骨數段頭及手足俱存甚長大合計可高二尋間襍字紙
驗之為借券憑証咸署雷字凡探視必携楮往否則病會
有以指骨下示人者病幾殆送還始愈故無敢殘毀之者
其櫃遠望若髮紅實白木函口準如今磚架都五櫃計之
約三十骨云噫此數十人者魁偉梧岸想亦防風長狄之
倫為當世所敬畏觀其死尚有靈生可知矣顧不棺槨以
葬平原而櫃置危險之區何耶然荒郊古墓非烏鳶巢即
狐兔窟牧敲牛礪鮮不掘毀暴露者茲獨以險僻獲全非
其得歟惟雨淋日鏢朽蠹不生殊難測不可謂非奇也
犀牛塘在五里鄉一連二塘故亦名姊妹塘每日水潮三
流如故俗傳
中有犀牛

仙人跌 在官渡河峽中東西懸崖萬丈江水晃漾西崖絕

崎一磊石浮水面寬平如掌約三四丈中深陷圓若屍輪

亦如脚蹠潤丈許鄉民指點謂踵跌於東而摺印於西如

不見大人跡審諦良久不覺愕然真奇景也

神巖 在仙人跌之北沂流而上相去約十數篙仰視迤東

崖上形勢欹仄尚完固又有木確杵臼等器若隱若現

幾窮目力聞昔有稷樹每年痕如新割今根株絕矣

小龍潭 在正誼鄉山麓有厂深可數丈內係沙洲厂外為

西三時為候夏秋泛至一二尺冬春水涸亦常五六寸清

流澄澈即山溪暴注而此水如故洲上時有牛跡成涔顧

常牛不能至此因疑為犀但恆伏不見

石天井 在金溪鄉井在石上一孔大如盃圓而滑每天陰

欲雨井中即上泛濁水渾如泥滓邑人王某言嘗

久旱井中忽有物出其喙向上噴水高至一二丈

許形如猪嘴微小而長其色黑竟不知為何怪

獅子口 在洞口鄉有巨石俯臨河水作狻猊張口狀口有

母猪泉 在正陽鄉每天旱水涸至泉門擊其石則內滑滑

然如母猪嚼嘴聲水即洶湧而出移時仍復縮入

響水泉 在正陽鄉水從滿心仰出潺潺之聲聞二三里漑

龍潭 縣南五十里連瀝三潭四圍石筍林立有石棹石凳諸勝

虎潭 縣南里許昔人嘗見一虎入潭不出故名

長連池 縣南白土鄉羣峰環抱水自山頂出匯成長池縱

二里廣半之澄澈如鏡深不可測伏流出百丈崖

白崖山 縣東五里上有石洞可容千人後洞如之

花崖子 在八面山腰天然雕刻玲瓏盡致

黔江縣志

卷一

地輿 奇蹟

金石

唐鐘 前志本名銅鐘又名飛來鐘向在玉皇閣色青翠音

傳在彭邑水中浮出彭人取之數百人稍動人扛之

以歸因名飛來鐘鈕鑄金雞滴水鳴更不差時刻嗣因土

寇不靖金雞燬而鐘尚存蓋前唐之法物也攷册府元龜

趙國珍天寶中為黔府都督本管經略等使天寶至今千

餘歲矣夫黔中郡昔在彭水黔江乃其屬邑鐘既都督所

鑄自在彭水俗傳自彭歸黔諒非無據第時代不可攷耳

至浮出應更之說則荒誕無稽大抵如汾陰寶鼎之類附

會夸張存而不論可也 按金鐘飛韻為黔勝景之一嘉

慶十年署教諭周枝魯修建 聖廟

自玉皇閣移置在學官大成殿外左偏

附志補張公銅鐘辨 唐金紫光祿大夫工部尚書兼黔府

置選補等使濟國公趙國珍所鑄銅鐘歷官斯土者皆感

於飛來之說而莫之辨陋義相承輾轉歌詠吾意不然鐘

黔江縣志

卷一

地輿 金石

三

頑金耳能如此其神驗乎使果出於彭境彭之人方將寶

視之鎮守之不少假今人得薄田半畝值錢十數千一經

越畔且相與攘臂聚訟况此煌煌希世之珍眾目共覩數

百人移動之不能而讓黔人扛之以趨此必無之事也然

則鐘何自來曰鑄自黔也黔雖福小集環境數千百戶生

民之力成一銅鐘亦易事况以本道都督為之提倡雖

黃鐘大呂清廟明堂之器不難立致而何靳於此曰此鐘

質地完好千餘年來勿壞何所取材曰此易辨也凡唐之

金石皆足垂千古試觀開元天寶錢文寬裕肉好非復後

世所能及曰鐘之說既聞命矣敢問將何所置曰置於鐘

山頂耳八面山峙立縣中高無與極可以俯矚一切自古

屯兵者皆於此樹大將旗鼓故鄉曰三屯三屯者為三處

以耕屯也趙公以黔府都督之尊來閱兵於此特鑄銅鐘

如漢伏波銅柱諸葛銅鼓故事欲震百蠻而宣威風蒲牢

一吼四界俱聞故迄今山之頂猶以鐘名曰子知趙公之

必來此乎曰白土鄉之碧峰寺相傳為趙公所建非來而

何然則縣民何樂以飛來傳曰囿也囿於地之僻小少所

見而多所怪復不能細推其故遂神其說以為飛來而不

知鐘固不能助之飛也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

黔江縣志

卷一

地輿

金石

三

附邑拔貢趙大煊記

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

鐘鑄自黔非出自彭也

之於吾酉亦未可知不然何地之日發其藏者皆此器之紛陳也芒桐之將惜未之試他日當有以驗之

宋紹慶時碑在縣東三十里縣壩碑字漶滅不能摹搨

明涼國公題額在城南門上石刻望京二字藍玉書尚存

三瑞碑明正統八年建邑有三瑞麥秀兩歧於邑民羅明於門備生一雛羽毛潔白如玉邑人繪圖勒石碑在縣署儀門右偏尚存

勅建界址碑嘉靖四十五年建按在縣南正誼鄉謝家壩尚存

附邑舉人龍輝廷記碑在吾鄉崇興寺前地名碑壩以碑

寸有奇其文半磨滅不可攷獨額上勅書二字及前勅論四川按察司僉事並未嘉靖四十五年閏月某日千戶長

等字頗明晰蓋自明中葉迄今三百餘年矣久經風雨剝蝕敲火礪角或字有間或句有間斷畫殘鉤落落如晨星

黔江縣志

卷一

地輿

金石

卑

散列予不敢以意為辭特事關縣治不欲委置故於荒烟蔓草間常低徊留之而得諸父老傳聞也鄉舊名鎮夷鎮

夷者與夷為鄰而鎮之也當是時西為土官設宣慰安撫司夜郎自大習於強梁黔則久隸版圖恪遵國典西土官

冉某乘亂侵佔凡山川土地犬牙相錯之處如高磧口馮家壩濯河壩一帶輒攘奪以去黔千戶以其事聞於上勝

朝撫之以寬綏之以德勅定界勒石無相侵擾抑又聞之碑石之採於山也相約有能負以趨者讓其所履地以與

之里任俠百夫長謝昂獨負行十餘里周環數百步乃止而界以定由是以勇力聞驟加遷擢諸夷膽懾終其身不

敢蠢動謝亦以故聚族於斯至今後嗣猶繁衍焉蜀漢時涪陵人謝本請以涪陵為郡昂豈其苗裔與噫吾聞治國

猶置器置諸安處則安危處則危有明以食毛踐土之臣疆以戎索各立長官司俾有分土即有分民割據爭雄終

明世不靖及我朝緯武經文因地制宜掃除積習而更張之西地改土歸流

因即其地設州治向之視為勅敵者今隸屬如一家焉故吾鄉鎮夷亦改名正誼云

屬如一家焉故吾鄉鎮夷亦改名正誼云

天池寺碑

在白鶴鄉明原任白水縣知縣毛應詩撰記在寺內

白水縣知縣毛公墓碑

萬曆十七年建在縣南七里許山坳按公諱應詩

按前志載有後漢馬援紀功碑攷援本傳及別書並無言其至縣事附會無因今削

附通志所載古碑

漢故孝廉柳敏碑

碑目攷在州廨內字蹟模糊廉柳君碑今在蜀中柳君名敏歷五官

功曹宕渠令碑以孝廉稱重其行也父亦因孝廉除郎中碑字雖有漫滅攷其文意蓋柳君以本初元年再為郡守所舉不幸而死後二十三年縣令趙臺念其墓無碑識故為立石時靈帝建甯二年也碑云敏之先乃二十八舍柳宿之精頗類張姓連天之說不典孰甚焉金石存右漢孝廉柳敏碑漢隸字原云在忠州道路遼遠自宋時洪趙

黔江縣志

卷一

地輿 金石

聖

二家而外他人皆未見著錄近時不知何人始致拓本
江南藏碑者皆有之予審視再四疑後人用舊本刊刻不
及細檢致多脫誤其可訾者數端隸釋錄此文因窮守句
下存一不字不脫誤其可訾者數端隸釋錄此文因窮守句
下文意讀之自清節儉約厲風子孫固窮守陋以及堂無
文麗墓無碑識皆以四字成句東漢文體自是如此不應
此句獨減一字也碑云因勒歎之隸釋作因勒銘缺之此
句若無銘字成何文理漢碑雖多艱深古奧之辭然必不
至此銘云天鯨鯁缺字書無鯨字隸釋字原皆作天鯨字
注云義作資奮威外困二書皆作悃字原上平哈韻悃字
引此碑嗚呼懷哉今碑亦但作哀凡文字刊板者類不
石刻之真故前人往往以碑本正書冊之訛然如此碑前
二字脫落顯然後數字雖未確知孰為是非但洪婁二公皆
精於攷訂一字之異必證據確切豈有外悃作外困獨置
而不論之理至若鯨不作憤哀不作悃婁氏字原又何從
摹其隸體編入韻中乎金石萃編按此碑字體庸俗初
無古意金石存以隸釋原文勘對辨其誤者數處知為後
人偽作諦觀全碑而知其誤不止此也原文云蓋五行星

仲廿八舍故洪氏謂碑以星仲為星中今刻仲廿八三字
為仰世入不可通矣銘辭何辜穹蒼為何辜庶昔延季為
延李建監斯碑為建立四祀蒸嘗為四時今刻皆誤其為
淺人重書勒石無可疑者蜀碑記補建甯二年字原云
在忠州輿地碑目云在黔州解內誤碑圖云朱爵為首龜
蛇為跌碑十四行行二十六字首云故孝廉柳君諱敏隸
釋云敏歷五官功曹宕渠令碑以孝廉稱之重其行也本
初元年再為郡守所舉不幸而死後二十三年縣令趙臺
念其墓無碑識故為立石時靈帝二年也又碑圖云柳敏
碑陰無字其上刻一禽若鳳其下則麟也中有牛首銜環
兩旁凡六玉其右則瑁圭璧其左則琮璋璜通志按孝
廉名敏而碑目攷作莊敏東漢人二名者甚少且莊為明
帝諱不應犯之當是傳刻本誤衍

附柳碑原文故孝廉柳君諱敏字愚卿其先蓋五行星仲
商家而禪字缺三而主或間生柳惠國大夫而流俗稱焉君
父以孝廉除郎中缺部府丞君追祖繼體歷職五官功曹

黔江縣志

卷一

地輿 金石

望

守宕渠令本初元年太守蜀郡缺君復察舉君缺命失平
君清節儉約厲風子孫固窮守陋平字缺三堂無文麗墓無
碑識建甯元年縣長同歲健為屬國趙臺公憤然念素帛
之義其二平十月甲子為君立碑傳千萬基因勒銘歎之
厥辭曰

惟斯柳君天憤鯁缺襲祖缺風行無遺闕授政股肱諫爭
匡弼奮威外悃屬城震栗率守伯煩垂名所立表貢王庭
望極爵位何辜穹蒼官寵不遂予惟三六庶昔延季建監
斯碑傳於萬世子孫繁昌永不溥滅嗚呼懷哉嗚呼懷哉
亂曰山陵兮石缺斯邦兮先人修質尚清約兮汶飭不離
隩芻臧兮季子信舊帶樹松兮僑俗追歿激缺揚兮亡而
像存樂嘉靈兮宗子于集嗜其鳴兮四祀蒸嘗不廢荒兮

唐黔南節度使趙國琛德政碑碑目攷上元二年
立在州南隔江

重建州衙碑碑目攷
在州治

廣德元年碑碑目攷寰宇記云開寶四年黔南上言江心
有石魚見上有古記云廣德元年二月大江

水退石魚見部民
相傳豐稔之兆

崔甯神道碑

碑目攷歐陽公集
古錄在長慶二年

黃魯直留題

碑目攷魯直謫居有涪翁晚策杖至此觀江
漲雨餘天欲涼十五字墨蹟在州之嘉禾堂

此外如綠陰堂丹泉
萬卷堂皆魯直墨蹟

按以上六碑今縣地俱無

黔江縣志

卷一

地輿 金石

望

